

1 Zân

Zânaŋ zapat meluwaŋ neŋaŋ mge

1 Zân kapi Zisasiyet nembaŋaŋ neŋ egaŋ nâmtikŋaŋ mamin kwitnaŋ Zân Zebediyet nemuŋaŋ keyaŋ kuye. Egaŋ Kawawaŋgalen Tâtâ Alakŋaŋ kapiyet zapat meluwaŋ ombanik kuye. An keyaŋ 1 Zân ma 2 Zân ma 3 Zân ma Kie Kienok ma buŋam zapat zulak zulak e egaŋegak kuye. Zân kapi Zisasiyet donaŋ penaŋ. Mamaŋ Salome ek Maliayet notnaŋ isikŋaŋ mene (Zân 19:25). Zapat meluwaŋ kapi nukŋaŋaŋmak enenogat zemâtâtât pembedaŋ ku mimiŋaŋ am kwiyet kumindandaŋaŋ e sosok ku tazin. An Kawawaŋgalen zezapatgalen nânâŋinmak mambien ekŋenaŋ Glik zet kukuŋaŋ ma zet notnaŋ zenzeŋaŋ ke ekti Zânaŋ kukuŋaŋ zewien.

Zet ŋotekŋaŋ Kawawaŋgalen Tâtâ Alakŋaŋgalen buŋam zapat zulak zulak tazinen keyet kataŋ zapat meluwaŋaŋ kapi ewe mwati kuinegak: 1 Zân 1:1 ma Zân 1:1, 14 ma 1 Zân 1:4 ma Zân 16:24. Zet keboŋ omba penaŋ tapmelip. Zapat meluwaŋ kapi nukŋaŋ am notnaŋ zet mutu mutu mti zenze ekŋenaŋ dapmelaŋge ekŋengat tuŋguwinanen omba zewien. Zisasiyet yaŋaŋ zemkandadat mulup mti zet an nânâmaganaŋ zenze zenup zemti zet zeme yungumtemege. Kegogapmti Zânaŋ eksese zet kumindaye.

Zet ŋotekŋaŋ kapigogaŋ 1 Zân zapat meluwaŋ keŋan talip:

1:1-4 Zet yaŋbem zenze zetmak Zisasiyaŋ am tuŋgupminan an penaŋ sokbembegaŋgalen zet

1:5–2:28 Am nâmkîŋpepeŋinmagaŋ Kawawaŋmak nemuŋaŋ Zisasmagen tususuŋin tazin ke mkatikŋaŋ bemti tatagalen zemâtâtât zet

2:29–4:6 Kawawaŋgalen nemunamba mama ke Kawawaŋmagengatnaŋ keyepmti mama ke nâmkîŋpem timti mama kanzizit toŋaŋ bembeyelen

4:7-21 Kawawaŋ ek gogot toŋaŋ

5:1-12 Kilais nâmkîŋpemti mama keyet yaŋaŋ dâsuki ma penaŋ ke notn notn mti mama keyaŋ msokbewe

5:13-21 Am nâmkîŋpepeŋinmak ekŋengalen zet tepumaŋ ma zet zemdelan zenze zet

Zemâtâtât zet

1 ¹Yaŋbemberjan baen mama kanzizit mamayelen zapatnaŋ wemti wemkwage. Keyet yaŋaŋ Zisas Kilais. Ke nin zeme nâmbenn ma zikatnnaŋ penaj ekbenn. Nin ke ekti betnnaŋ penaj timakbenn keyepmti nin zetnaŋ keyet meluwaŋ mimindanup. ²Mama ke sokbemkawaŋ beme ekbenn. Mama katikŋaŋ mama An ke Bienmagen tageyaŋ bam ninmagen sokbemkawaŋ beme nâwenn. Keyet nin zapatnaŋ mandiindonup. ³Keyepmti nin egat mamaŋaŋ eknâmbenn keyegak nin kegogak zapatnaŋ mandiindonup. Diindomann nâmti kot ninmak tusume keŋ kwep bemti Bipmaŋmak Nemuaŋ Zisas Kilais egetmak keŋ kwep ŋep bemti mambanup. ⁴Tuŋgupmnan kegok sokbeme nin sambe oloŋen mmann delaŋ zenzeyet zapat meluwaŋ kapi kumti indayap.

Nin mama mimi busatnanen etaŋ mbanup

⁵Zisasmagen nin zet zapat zeme nâmbenn keyepmti in kapigok mandiindonup: Kawawaŋ ek An busatnaŋ toŋaŋ. Tambusosok bugan ekmagen ku tazin. ⁶Nin tambusosogen mamtingut, “Nin Kawawaŋmak tusunup,” zenup keyaŋ ŋep penaj ku bein. Kegok mamnup keyaŋ mme nin dâsuki toŋaŋ benup. Âpme zet penaj ŋotekŋaŋ ke ninmagen ku matazin. ⁷Kawawaŋ ikŋaŋ busatnanen mamain kegogak nin busatnanen mamanup beme Kilaismagen notnne ekŋenmak keŋ kwep bemti tapmann Nemuaŋ Zisas egaŋ gakime sipmaŋ mulage keyaŋ yomm zulupme kwetetepmaŋ mamanup.

⁸“Nin yom ku tatndain,” kegok zenup beme keŋ matetipenup ma zet penaj ŋotekŋaŋ ke keŋŋnanen ku tazin. ⁹Âk nin yomm zemkawaŋbenup beme Kawawaŋ zeme penajak masokbein ma teŋ mama toŋaŋaŋ yomm zemdelaŋ zemndein ma myuŋguŋgu sambe ke manzulutmâzin. ¹⁰“Nin yom ku maminup,” zemann zet keyaŋ mme Kawawaŋ an dâsukitoŋ kegok mambein. Kegok manzenup keyaŋ msokbeinen Kawawaŋgalen Zet Zapat Dolakŋaŋ Penaj ke ningat keŋnan ku tazin.

Zisas Kilais egaŋ ningalen mukulem mimi an bein

2 ¹Nâgât nembanne penaj, in yom mbiekmagengapmti zapat meluwaŋ kapi kumti indayap. Nin yom mbanup beme ningat mundumnanen Zisas Kilais ek mama teŋ toŋaŋ egaŋ Bipmaŋgat ndaŋgalaŋ ndendeyelen nâmti mandundum sain. ²Kawawaŋaŋ Zisas zempeme toti ningat yomgapmti gakime sipmaŋ mulage keyaŋ ningat yomm zuluge. Wa ningat etaŋ yek. Msat sambe am ekŋengat temakwep gakiye.

³Nin Kawawaŋ zet zapatnaŋ zempepeŋaŋ ke maŋgawepenup bemelak nin ek manâmpenup ke penaj manâmkawaŋbenup. ⁴Ma an

nenaj Kawawangalen zet gawepupupij mamti zewe, “Nej Kawawan nâmpayap,” zeweyen an ke dâsuki toraj. Kegok manzenup keyaj msokbeinen Kawawangalen zet zapat dolaknaj penaj ke ningat keñnan ku tazin. ⁵Âk an nen egaj Kawawangalen zet mangawepun beme an keboj egaj penaj sukwep Kawawan gogot mamsain. Kegok mti nin Kawawanmagen tusumti tapmanup kekok penaj bein. ⁶An nen egaj, “Nej Kawawanmak tusumti mamayap,” zein beme egaj Zisasiyan mama manje sepep kekok mamain.

Busatnaj mamti keñ dopmaj sam dopmaj sam mti mambep

⁷Kilaismagen notnne penaj, nej zet pi alaknaj ku kumindayap. Zet kapi in yanjbemti Zisasiyelen bujam zapat nâmti nâmkijpewien keyegak kumindayap. Zet yanjbemti zemzikat indam mbien kekokapm zet itnanaj zeyap. ⁸Yangut zet kuyap keyaj zet alaknajnogak tageyan matazin. Keyet penanaj Zisasmagen sokbeye ma inmagen kogak sokbein. E yanaj kapigok tambusosokgalen bekananaj yek bemâpme busatnangalen mama mimi dolaknanaj sokbemkawanjbemti tazin.

⁹Âpme an nen egaj notnangaj keñ kasa manâin an kebojan, “Nej busatnanen mamayap,” ku zewe. Kogogapmti ek ewe tambusosogen mamain. ¹⁰An nenaj notnangaj gogot mamin egaj busatnanen mamain. Busatnanen mamain keyepmti yom nenaj ma tetimaemae nen sokbemsame ku tokutuwe. ¹¹Ma an nen egaj notnangaj keñ kasa nâmpewe egaj yomgalen tambusosok keñan tati tambusosok seleset meti set ku ekti mesâgât olabe enenogaj tambusosogaj zikatnaj simun tapme kekok mbe. ¹²Kilaismagen nemunambanne, in Zisas Kilais egat pembenangapmti yomin zulutindendengaj keyepm zet kapi kumindayap. ¹³Yen bipmne in Kilais ewenjan baenen takwapme egat yanaj nâmatâbien keyepmti zet kapi kumindayap. Anemba zomolimne in Kawawanaj windejan indame an bekanaj mimi windejan mtobien keyepmti zapat meluwan kapi kumindayap. Animbi nemba, in Biwin Kawawangat nâmatâlip keyepmti zapat meluwan kapi kumti indayap. ¹⁴Bienne, in Kilais egat yanaj nâmatâlip keyepmti zapat meluwan kapi kumindayap. Anemba zomolim, in windejin temaj tazin ma Kawawangalen zet keñinan tapme Sadangalen tetimaemaeen katiknaj bewien, keyepmti zapat meluwan kapi kumti indayap.

Keñ temaj msalengalen kwitnaj kwitnaj keyet ku bewanup

¹⁵In am mama mimiñin bekanaj ekñenmak ku tusuwep ma keñin msatgalen kwitnaj kwitnaj keyet palen ku peme wembe. Kogok mbep beme in Biwinngat tiknaj ku nâmbep. ¹⁶Nâip, mama mimi bekanaj seginaj nâmtiknaj mamin ke ma msat palen kwitnaj kwitnangaj eksegat ma sekñ mobot ke Biwinngalen ñoktiknangatnaj yek. Ke

msat kapiyelen kwitnaŋ kwitnangāt tikŋaŋetaŋ. ¹⁷Âpme msat kapiyelen kwitnaŋ kwitnaŋ ma tikŋaŋaŋ tazin kapi ilinsakwep yek bemâbe. Mme an ŋen Kawawaŋgalen zet gawepumti mambe beme egaŋ kwesiŋ mamti mamambe.

Kilaisiyet kasaŋane tasokbemâlîp

¹⁸Nemunambanne, Kilaisiyaŋ kokogalen kan ilak bududukbein. In Kilaisiyet kasaŋane sokbembeyet zeme nâwien e ilak omba penaŋ sokbemâbienanŋ tapmaip. Keyepmti kan bududuk penaŋ bein kegek ilak nânup. ¹⁹Ekŋen keyaŋ ningat tungupmnangatnaŋ sokbewien keyaŋgut ekŋenaŋ ninmak tusumti ku mamaip. Ekŋenaŋ ninmak keŋ kwep mambiek ze ku katimndewiek. Yaŋ ndemebien keyepmti ekŋengāt yaŋaŋ kapigok nânup ekŋen ke Kawawaŋaŋ ninmak mamayet ku ombemindeye.

²⁰In ekŋen nembonŋ yek. In Emetak Teŋ ke timâbiengapmti in Kawawaŋgalen zet katnaŋ ke nâmkawaŋbewien. ²¹Meluwaŋ kapi in, “Kawawaŋgalen zet penaŋ ŋotekŋaŋ ke ku nâip,” zemti ku kumindayap. In zet ke nâmtât talip keyepm kumindayap. An zet dâsukitoŋaŋ zet tazeip ke Kawawaŋgalen zet katnaŋ penaŋ kemagengatnaŋ yek. Ilinangat keŋinangalak tazeip. ²²An zet dâsukitoŋ ke kwiyet zesenuŋ? An ŋenaŋ zewe, “Zisas Kilais Kawawaŋaŋ ku ombempemti zempeme toge,” zewe beme an keyaŋ Bien ma Nemuaŋaget mambamkumidein keyepmti ek Kilais egat kasaŋaŋ. ²³An ŋenaŋ Zisas Kawawaŋgat Nemuaŋ mambamkumpein keyaŋ zeinen egaŋ Bipmaŋ Kawawaŋ ku nâmpain kogok bein. An ŋenaŋ Nemuaŋgat an Kawawaŋaŋ ombempepeŋaŋ Kilais zein beme egaŋ Bipmaŋgat kegek ŋep nâmpain zenup.

²⁴Kawawaŋgalen Zet Zapat Dolakŋaŋ Penaŋ Zisasiyaŋ eweŋan baenen msalen ekmak mamti nâmkwabien ke mkatikŋaŋ bemti mambeb. Kawawaŋgalen zet katnaŋ ke nâmkatik bemti mame Bip Nemuaŋ zut egelaŋ kegek ingat nâmtikŋaŋ mamimindein. ²⁵Ke Zisasiyaŋ ikŋaŋ mama kanzizit mama ke ndandayet zetiki mti buŋam zapatnaŋ diindoye ke ndawe.

²⁶Am keŋin mamimyuŋgumindeip ekŋengāt zet zapat kegek kumindayap. ²⁷In Emetak Teŋ Kawawaŋmagengatnaŋ tiwiengapmti in nânâ notnangāt ku maolalip yek. Emetak Teŋ egaŋ mama mimi dolakŋaŋ manzemzikat indamin. Emetak Teŋgalen zet ke dâsuki yek, penaŋ sukwep keyepmti egaŋ manzemzikat indain kataŋ keŋinan mkatikŋaŋ bemti mamambep.

²⁸Nembanne penaŋ, in Kilaismak tusum mamambep. Âpme maneti kan delaŋ zenzeŋaŋ ikŋaŋ kot sokbemkawaŋ beme in windeninbeŋ tabep keyepm nin egat zikatnan sakambuk ku mbanup.

²⁹In Kilais ek teŋ toŋaŋ maekmâtâlîp beme in pigok nâmtâtâlî. In am ŋen mama mimi teŋ mme in nâip ek Kawawaŋgat nemunambaŋaŋgapmti kegek mamin.

Nin Kawawaŋgalen nemunamba mamānup

3 ¹Neŋe neŋe, Bipm Kawawaŋ egaŋ gogot omba penaŋ mimndamti ningat, “Nemunambanne,” manzein. Kogogapmti nin egat nemunambaŋane mamann msat kapiyelen am ekŋenaŋ Kawawaŋgat yaŋaŋ ku maekmâtâlip. Sepem kegogak ekŋenaŋ ningat yaŋaŋ ku manndikmâtâlip. ²Notnne penaŋ, kan pigogat nin Kawawaŋgalen nemunambaŋane penaŋ mamānup yaŋgut maneti naman sepem zigok penaŋ mamambanup? Alak sosok ku sokbemkawaŋ beme eknup keyangut nin kapigok nânup. Bamgat Amobotnaŋaŋ sosok sokbemkawaŋ bewe kan keyet ikŋaŋ penaŋ ilak ekti egalen mama sepem keboŋak mambanup. Kan keyet nin ilak ikŋaŋgalen yaŋaŋ penaŋ ke ekmâtâbanup. ³Âpme am sambeyaŋ kan keyet webemti damuŋ mambeŋ ekŋenaŋ Kilaisiyaŋ kwetetepmaŋ mamain sepem keboŋagak kwetetepmaŋ besâgât webematalip.

⁴An ŋenaŋ yom mamin beme Kawawaŋgalen zet maŋgosoin eneyet zet aŋgososo ke yom. ⁵Ma Kilais egat yaŋaŋ nânup. Egaŋ yom peme mebegat kwatoti ikŋaŋ yompiŋ penaŋ maŋge. ⁶Keyepmti am sambe ekŋenaŋ Kilaismak tusumti mamaip ekŋenaŋ yom mti mimiek ku mamip. Âk ŋen egaŋ yom tusumti mamin beme egaŋ Kilais ewe ku ege ma yaŋaŋ ku nâmâtâge kegok bein.

⁷Nembanne penaŋ, in weyaŋ damuŋ mbep. Am notnaŋaŋ bekaŋaŋ mimiyet zet kelakŋaŋ mme in ku nâmindewep. ŋen egaŋ mama mimiŋaŋ kwitnaŋ kwitnaŋ pembedaŋ mamin an keyaŋ kwetetepmaŋ mamain. Kilaisiyaŋ kwetetepmaŋ mamain sepem keboŋak egaŋ mamain. ⁸An ŋenaŋ yom tusumti ewe mbe beme an ke Sadaŋgalen maŋgeengatnaŋ. Sadaŋ ek eweŋanak yaŋbemti yom aigeyaŋ ewe mamkwazin. Keyepmti Kawawaŋgat Nemunaŋ egaŋ Sadaŋgalen mulup kumaseksâgât koge. ⁹Am ŋen Kawawaŋgat nemunambaŋaŋ bewe beme egaŋ yom tusumti ewe ku mbe. Kawawaŋmak mamayelen winde tatsame ekmagengatnaŋ sokbeye. Keyepmti egaŋ mama mimi bekaŋaŋ ewe ku tusumti mbe. ¹⁰Kawawaŋgalen nemunamba mamaip ma Sadaŋgalen nemunamba mamaip keyet yaŋaŋ kapigok sokbemkawaŋ beme ekmâtâtâgalen: An ŋen mamaŋaŋ teŋ ku mamti notnane notnaŋ ekŋengat gogot ku mbe beme ek, “Kawawaŋgalen nemunamba,” ku zenzeyelen.

¹¹Kawawaŋgalen buŋam zapalen in zet kapigok nâmkwabien: ŋenaŋ ŋeniyet gogot ŋenaŋ ŋeniyet gogot mbep. ¹²Nin Kaingalen mama mimi mgeen ke ku mbanup. Ek Sadaŋgalen an bemti meniŋaŋ isikŋaŋ kume gakiye. Kume gakiye keyet yaŋaŋ kapigok, egalen mama mimiŋaŋ bekaŋaŋ âpme meniŋaŋgalen mama mimiŋaŋ teŋ ke eksokbemtiyepm kuye. ¹³Kilaismagen notnne, am nâmkŋipepepiŋ ekŋenaŋ keŋ kasa mimindame ku palapewep. ¹⁴An ŋen egaŋ notnaŋgat keŋaŋ ku bewe

beme ek Kawawaŋgalen an yek; gakikiŋaŋ nemborŋ mamain. An ŋen notnaŋgat gogot mam beme egaŋ mama kanzizit ke timti mama mimiŋaŋ gakikiŋaŋ nemborŋ keyetnaŋ wage sepem bein. ¹⁵ An ŋenaŋ notnaŋ ŋeniyet keŋ kasa mpewe beme Kawawaŋgat zikatnan an keyaŋ notnaŋ penaŋ kume gakiye. In nâip an ŋenaŋ notnaŋ kume gakin beme ekmagen mama kanzizit ke ku tasain.

¹⁶ Notnnaŋgat keŋ bembe keyet yaŋaŋ Kilaisiyaŋ ningapmti mamaŋaŋ ketalasiye keyet palen ekmâtâbenn. Âpme nin kegogak notnne nâmkĩŋpepeŋinmak ekŋengat sekŋ talasimti gakiwanup beme keyaŋ mukulem mimindewanup. ¹⁷ Yangut an ŋen mânep milawatnaŋ sambe penaŋ tasawe mene beme egaŋ ekme notnaŋ nâmkĩŋpepeŋinmak ŋen milawatgat olat olat mme ekti sasapiŋ igak timti mambe beme egaŋ, “Neŋ Kawawaŋ gogot mamsayap,” zenzeŋiŋ. Kegok zeme ŋep ku benak. ¹⁸ Nemunambanne, nin am notnne notnaŋ ekŋengat gogot ke belak zeletan ma belak dembusegaŋ etaŋ ku zewanup. Nin ekŋengat keŋ penaŋ beme mukulem dolakŋaŋ penaŋ mimindewanup.

Kawawaŋgalen nemunamba manuwaŋ bekanaŋ ŋep penaŋ ku mimiyeŋen

¹⁹ Nin notnnaŋgat gogot mamnup beme nin mama mimi penaŋ sukwep Kawawaŋgalen zelaŋ zein ke mâti mamnup. Mme keŋnan Kawawaŋgat zikatnan kiŋgagapiŋ nâmtalati matazin. ²⁰ Kawawaŋ kwitnaŋ kwitnaŋgat yaŋaŋ ŋotekŋaŋ nâmtâpme delaŋ zein keyepmti ŋoktikŋnaŋ zem ndowe beme nin Kawawaŋgat zikatnan ku kiŋgagatgalen.

²¹ Kilaismagen notnne, nin yom ku tatndain beme Kawawaŋmak zet zenâ zenâ mimiyeŋ ku kiŋgabanup. ²² Nin egalen zetnaŋ penaŋ ke maŋgawepumti mama mimi Kawawaŋaŋ egaŋ nâme dolakŋaŋ mambein ke maminup keyepmti nin kwileki ŋeniyet dundumsaman egaŋ mandain. ²³ Kawawaŋaŋ nin egalen zetnaŋ gawepupuyet nâmti kapigok zeye: Nin Nemuŋaŋ Zisas Kilais egat penaŋ sukwep nâmkĩŋpemti egalen zetnaŋ kapi maŋgawepumambanup, nin ŋenaŋ ŋengat gogot mti gogot palen mamayet manzein ke mbanup. ²⁴ An ŋen egaŋ Kawawaŋgalen zetnaŋ gawepumti mamain egaŋ Kawawaŋmak tususu kwep mamalup. Mme Kawawaŋaŋ ikŋaŋ ekmak wetekumti mamain. Nin Zisasi nâmkĩŋpemann kan keyet Kawawaŋaŋ Emetak Teŋaŋ mandain. Emetak Teŋ ndaye keyaŋ msokbeinen Kawawaŋaŋ ninmak tusumti mamain.

Golaŋ zenze an dâsuki omba penaŋ sokbewienan tapmaip

4 ¹ Kilaismagen notnne, am dâsuki omba penaŋ sokbemti msat kataŋ mekobienan tapmaipgapmti ekŋengalen zet ke Kawawaŋmagangatnaŋ ma yek zemti weyaŋ nâmtâbep. ² Kawawaŋgalen Emetak Teŋ kapigok set ŋep ekmâtâtâtgalen. An ŋenaŋ, “Zisas Kilais

ek Kawawaŋmagengatnaŋ an penaŋ sokbeye,” kogok zewe beme ek Kawawaŋgalen Emetak Teŋ tasain. ³Ma an ŋenaŋ, “Zisas Kilais ek Kawawaŋmagengatnaŋ an penaŋ ku sokbeye,” kegok zewe beme ek Kawawaŋgalen Emetak Teŋ ku tasain. Ek Kilaisiyet kasaŋaŋgalen zet zemkawaŋ bein. Ek Kilaisiyet kasaŋaŋ sokbembeyet zeme nâmbien ke ilak sokbemti tapmain.

⁴Nembanne penaŋ, ilin Kawawaŋmak mamaip keyepmti in an zet dâsuki ekŋengalen zet ke mtopewien. Emetak Teŋaŋ ingat keŋinan tazin keyelen windenaŋaŋ am msat kapiyelen ke sebempein. ⁵Am zet dâsuki toŋ ekŋenaŋ ilinaŋgalen ŋoktikŋinaŋgat etaŋ zet manzeip ke Kawawaŋmagengatnaŋ yek. Ilinaŋgalen ŋoktikŋinaŋgat manzeip ekŋen ke Kilaisiyet kasaŋane. Zet manzeip ke msat kapiyelen etaŋ masokbein keyepmti am sambeyan zet ke tiknaŋ nâmti mamâlip. ⁶Nin Kawawaŋgalen am keyepmti an ŋenaŋ Kawawaŋ manâmâtâzin an keyan ningalen zet manâin. Ma an ŋen Kawawaŋ ku nâmâtâpein an keyan ningalen zet ku manâin. Sepem kegok sokbeme zet penaŋgalen Emetak Teŋ ma zet dâsukiyelen am ke maekmâtâtup.

Kawawaŋ ek gogot toŋaŋ

⁷Kilaismagen notnne, nin ŋenaŋ ŋeniyet gogot ŋenaŋ ŋeniyet gogot mbanup. Eneyet notnnaŋgat gogot mimi ke toŋaŋ Kawawaŋ. Gogot palen mama ke ekmagengatnaŋ. Keyepmti an ŋen gogotmak mambe beme ek Kawawaŋgat nemunambaŋaŋ bein. Kawawaŋgat yaŋaŋ nâmâtâtpein.

⁸An ŋenaŋ gogot mimipiŋ mambe beme egaŋ Kawawaŋ ku nâmâtâtpein. Eneyet Kawawaŋ ek notnnaŋgat gogot mimi keyet ŋoteknaŋ penaŋ.

⁹Kawawaŋaŋ Nemunaŋ kwewetaŋ ke nin mama kanzizit aikndandayet nâmti msalen peme toge. Egat gogotnaŋgat yaŋaŋ ninmagen mimkawaŋ beye kegok mgeyepmti nin Nemunaŋgalen pembenangat mama kanzizit titiyelen. ¹⁰Âpme gogotgat yaŋaŋ kapigok tazin, nin Kawawaŋ keŋ taolet ku msawen egaŋ iŋnaŋ Nemunaŋ peme toti ningalen yom zulumâge.

¹¹Kilaismagen notnne, Kawawaŋaŋ gogot temaŋ kegok mimndayeyepmti nin kegogak gogot dopdop mti mambanup. ¹²Msat palen kapi an ma imbi ŋenaŋ Kawawaŋ ku ege. Yangut nin am ŋenaŋ gogot dop dop mti manup beme Kawawaŋ ninmak main ma egalen gogotnaŋaŋ ninmagen mawemndain.

¹³Kawawaŋaŋ iŋnaŋgalen Emetak Teŋaŋ ndaye keyepmti nin egat nembaŋane kok nânupgapmti ekmak ningalen tususu kwep tatndain.

¹⁴Bien egaŋ Nemunaŋ msat kataŋ am yommak nin angalaŋndendeyet nâmti peme toge. Âpme nin zikatn penaŋaŋ ekbenn keyepmti nin zet keyet yaŋaŋ mandiindonup. ¹⁵Keyepmti an ŋenaŋ, “Zisas ek Kawawaŋgat Nemunaŋ,” zet kegok ke zemkawaŋ bewe beme egaŋ Kawawaŋmak tususu kwep mti mamalup. Ma Kawawaŋaŋ ekmak wetekumti mamain.

¹⁶Kawawaŋ gogotnaŋ ninmagen sokbeye ke nin ekti nâmkatik pewenn. Kawawaŋ ek gogotgat ɲotekŋaŋ penaŋ keyepm ɲen ek gogotmak mambe ek Kawawaŋmak tususu kwep mti mambe ma Kawawaŋaŋ kegogak ekmak wetekumti mambe. ¹⁷Zisasiŋ msalen maŋge kan keyet egat mama mimiŋaŋ gogot palen mama ke mgeyet sepem kegok nin gawepumti egalen mama mimiŋaŋ ke mâbanup. Âpme mama mimi nodanŋat gembembe ke keŋdan misisikŋaŋmak tapme ikŋaŋgat kokotnaŋgat kanaŋ beme nin kingagapiŋ tabanup. ¹⁸Gogot palen mama ma kiŋgagat palen mama egelaŋ notn notn ku milup. An ɲenaŋ pigok zein, “Kawawaŋ egaŋ nenanŋat yomm dopmaŋ mutumnawe.” Kegok manzemkiŋgazin ma an ɲenaŋ pigok zein, “Kawawaŋ nâgât gogot mamin.” An kegok zeinaŋ ku makingazin. Gogot penaŋaŋ kiŋgagat sambe makwizikme moweziŋgapmti am gogot mamip ekɲenmagen kiŋgagat ku tazin.

¹⁹Nin Kawawaŋaŋ gogot kukŋaŋgat mimndayepmti nin kegogak ek gogot mpewanup. ²⁰An ɲenaŋ notnanŋat msalen kapi tati notnanŋat gogot ku min beme egaŋ kegogak Kawaŋaŋgat yaŋaŋ ku nâmatâzin. “Neŋ Kawawaŋ ke nâmpaap,” zein beme an ke, “Kawawaŋ gogot mamsayaŋ,” zemtiŋgut naman notnaŋ ɲenŋat keŋ kasa nâmpewe beme an keyet an dâsukitoŋ zewanup. ²¹Nin Zisas Kilaismagen zet penaŋ kapigok tiwenn: An ɲenaŋ Kawawaŋ gogot mamsain egaŋ notnane kegogak gogot mamimindain.

Kawawaŋmak tusumti mamann kwileki ɲenaŋ ku mtotndewe

5 ¹An ɲenaŋ, “Zisas Kilais ek Kawawaŋaŋ ningapmti peme toge,” zemti nâmkɲipemti mambe beme ek Kawawaŋgat nembraŋaŋ. Ma an ɲenaŋ Bipmaŋ Kawawaŋ gogot mampein egaŋ Kawawaŋgat nembraŋane kegogak gogot mam indein. ²An ɲenaŋ kapigok zein, “Neŋ Bipm Kawawaŋ gogot temaŋ mampeap,” zemti zetnaŋ penaŋ maŋgawepumti naman nemunambaŋaneyet gogot ku mamindein an ke Kawawaŋgat zikatnan egalen gogot palen mama ke ku matazin. Kawawaŋ ma nemunambaŋane ekɲen sepemin kwep keyepmti nin gogot sepem kwep mimindawanup. ³Nin Kawawaŋ gogot etaŋ ku msasayelen; egalen zetnaŋ gawepumti minup keyaŋ gogot msanup bein. Kawawaŋmak tusumti manup beme egalen zetnaŋ mâti mimiyeleŋ ke nukŋaŋ penaŋ yek. ⁴Kawawaŋgalen zetnaŋ nâmkɲipemti keŋnan mkatikbempenup keyaŋ msalengalen mama mimi bekaŋaŋ keyet windenŋaŋ matimtopein. ⁵Kwiyaŋ kasa kumti yomgalen mama mimiyeleŋ windenŋaŋ mam mtopein? An ɲenaŋ Zisasiyeŋ Kawawaŋgat Nemunaŋ manâmkɲipen an keyaŋ yomgat windenŋaŋ mam mtozin.

Kawawaŋaŋ Nemunaŋgat yaŋaŋ sosok zemkawaŋ beye

⁶Kawawaŋaŋ Zisas Kilaisiyet yaŋaŋ msat palen amnaŋ nin eksokbembeyet kapigok mge. Nemunaŋaŋ tu zulutme kan keyet

Kawawaŋaŋ kapigok zemkawaŋ beye, “Kapi nenangat nemun penaŋ.” Âpme ŋen kapigok, Zisasiyaŋ tewen mopme sipmaŋ mulage. Egaŋ tu zululuge ke etaŋ yaŋaŋ ku msokbein ⁷kegogapm Emetak Teŋaŋ yaŋaŋ nâmâtâtâgalen ningat keŋnan mulupmaŋ mti kapigok manzein Zisas Kilais ek Kawawaŋgat Nemunaŋ penaŋ. Egaŋ zet manzein ke penaŋ. ⁸Zisas Kilaisiyet mamaŋangat yaŋaŋ tuk kegok Kawawaŋaŋ zemkawaŋ bein keyaŋ zet kwep bandim mpemti zeip. ⁹An ŋenaŋ msat palen kapi zet ŋen tazein ke nâmann penaŋ ma dâsuki kok mambein. Yaŋgut Kawawaŋaŋ Nemunaŋgat zet zein keyaŋ penaŋ amgalen zet omba penaŋ mtopein. ¹⁰An ŋen egaŋ Zisas ek Kawawaŋgat Nemunaŋ zet ke zemkawaŋ bewe beme egaŋ Kawawaŋgalen zet penaŋ ŋotekŋaŋ ke matin. An ŋenaŋ Kawawaŋgalen zet nâmkatik bembepiŋ mbe beme egaŋ Kawawaŋgat an dâsukitoŋ zein kegok bewe beme an keboŋ egaŋ Kawawaŋaŋ Nemunaŋgat zetnaŋ bandim mpeye keyet nâme penaŋepiŋ kegok mambein. ¹¹Kawawaŋaŋ zet zemkawaŋ beye ke pigok: Kawawaŋ egaŋ mama kanzizit mama ke ndaye. Âpme mama kanzizit keyet ŋotekŋaŋ ke Nemunaŋ egaŋ bein. ¹²Zisas ek mama kanzizitgat toŋaŋ. Keyepmti an ŋen egaŋ Nemunaŋ mkitik mampein beme mama kanzizit ke matin. Âpme an ŋenaŋ Nemunaŋ ku mkitikmampein beme egaŋ mama kanzizit ku eknâmâtâzin.

Nin nânup bam mama kanzizit tiwanup

¹³In Zisasiyet manâmkinpeip keyepm neŋ zet kapi in kapigok kum indama nâit, zet kapi main nâmti ilinak atam kitik mmaneti mama kanzizit ke tiwep. ¹⁴Nin Kawawaŋmak keŋ kwep manupgapmti kwileki ŋeniyet yaŋkwesimann egaŋ zetn manâin keyepmti nin egat kandaŋan kiŋgagapiŋ ma sakambuk palen ku mambanup. ¹⁵Mme Kawawaŋaŋ ningalen zetn manâin keyepmti nin egat kwileki ŋengat yaŋkwesiwanup beme egaŋ ŋep ndawe ke nânup.

¹⁶Yaŋgut an ŋenaŋ Kawawaŋgalen zetnaŋ kasa kasa mpemti mambamkumpein ek Sadaŋmak tususu kwep mambe beme Kawawaŋgat zikatnanen yom keyaŋ nukŋaŋ penaŋ mambein kogogapm ek teziŋ ŋandaŋgat zapat matazin. Keyepmti, “Kawawaŋgat am ekŋen kebongat dunduindewep,” ke ku zeyap. An ŋenaŋ yomaŋ tasain Kawawaŋgalen zetgat kasa kasa mamip keyet sepem ku mimiŋaŋ egat Kawawaŋ dundundunaŋan yaŋkwesime yomaŋ ke Kawawaŋaŋ katikpemti mama kanzizit sawe. ¹⁷Mama mimi bekaŋaŋ mamip ke yom. Yaŋgut yom sambe ke teziŋ ŋandaŋ mebegalen zapat yek.

¹⁸Am ŋen egaŋ Kawawaŋgalen nemunambaŋaŋ mamain egaŋ bekaŋaŋgalen mama mimi ke mâti ku mamin. Zet ke in nâmâtât talip. Am keboŋ ke Kawawaŋgat Nemunaŋaŋ ŋep damuŋ pembedaŋ mimiyelen keyepmti an bekaŋaŋ toŋaŋaŋ sokŋan koti ku walet sawe. ¹⁹Nin nânup

am sambe Sadangat kandan taliwangut nin Kawawangat zapat manup.
²⁰Nin nânup Kawawangat Nemujan egan kwatoti Kawawan penan main
egat nâmti mamayelen ñotik ndayeyepmti nin Kawawan ke penan
zet penangat ñoteknan nâmpewanup. Ya nin Kawawan penan ekmak
tususu kwep mamanup ma Nemujan Zisas Kilaismak tususu kwep mti
mamanup. Kawawan ek Kawawan penan ma ek mama kanzizit keyet
tojan.

²¹Nembanne, in nopiom eknen bamkumindemâbep.